

Broj: 06-04-770/26  
Lukavac, 25.05.2026. godine

Na osnovu člana 72. stav (3), tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24) u otvorenom postupku javne nabavke usluga „Izrada kompletne tehničke dokumentacije za izgradnju šetnice i biciklističke staze u ulicama Petrak, Kulina bana, Sarajevska i Čaršijska - Južna šetnica“ Grad Lukavac, Pomoćnik Gradonačelnika Službe za investicije i razvoj donosi

**O D L U K U**  
**o dodjeli ugovora drugorangiranom ponuđaču**

**Član 1.**

Ugovor za nabavku usluga „Izrada kompletne tehničke dokumentacije za izgradnju šetnice i biciklističke staze u ulicama Petrak, Kulina bana, Sarajevska i Čaršijska - Južna šetnica“ Grad Lukavac, dodjeljuje se drugorangiranom ponuđaču **TALWEG D.O.O. TUZLA** koji je dostavio prihvatljivu ponudu broj: 30-A/23 od 30.03.2026. godine za ponuđenu cijenu u iznosu od 5.200,00 KM bez PDV-a i rokom plaćanja 60 (šezdeset) dana od dana prijema fakture, a nakon što je prvorangirani ponuđač DELI DESIGN STUDIO & CONSULTING D.O.O SARAJEVO propustio dostaviti originale ili ovjerene fotokopije tražene dokumentacije, u roku koji je odredio ugovorni organ.

**Član 2.**

Ovom Odlukom stavlja se van snage Odluka o izboru najpovoljnijeg ponuđača broj: 06-04-770/26 od 16.04.2026. godine kojom se ugovor za nabavku usluga „Izrada kompletne tehničke dokumentacije za izgradnju šetnice i biciklističke staze u ulicama Petrak, Kulina bana, Sarajevska i Čaršijska - Južna šetnica“ Grad Lukavac dodijeljuje ponuđaču DELI DESIGN STUDIO & CONSULTING D.O.O SARAJEVO.

**Član 3.**

Ova odluka stupa na snagu danom donošenja i objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**O b r a z l o Ź e n j e**

Postupak javne nabavke pokrenut je Odlukom o pokretanju postupka javne nabavke broj: 06-02-742/26 od 11.03.2026. godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 5.200,00 KM.

Obavještenje o nabavci broj: 719-1-2-37-3-69/26 objavljeno je na Portalu javnih nabavki dana 13.03.2026. godine.

Komisija za provođenje postupka javne nabavke imenovana Rješenjem o imenovanju Komisije broj: 02-04-853/26 od 23.03.2026. godine, dostavila je Pomoćniku Gradonačelnika: Zapisnik o pregledu i ocjeni ponuda broj: 06-04-770/26 od 15.04.2026. godine, Preporuku o izboru najpovoljnijeg ponuđača broj: 06-04-770/26 od 15.04.2026. godine i Izvještaj o radu broj: 06-04-770/26 od 15.04.2026. godine.

U postupku po Izvještaju o radu Komisije utvrđeno je da je Komisija za provođenje postupka javne nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku blagovremeno zaprimljene 2 (dvije) ponude;
- da nije bilo neblagovremeno zaprimljenih ponuda;
- da su ponude ponuđača DELI DESIGN STUDIO & CONSULTING D.O.O SARAJEVO i TALWEG D.O.O TUZLA kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

Svi ponuđači su obaviješteni o rezultatima postupka nabavke, te je najpovoljniji ponuđač DELI DESIGN STUDIO & CONSULTING D.O.O SARAJEVO pozvan da roku od 7 (sedam) dana od prijema Odluke o izboru najpovoljnijeg ponuđača i Obavještenja, dostavi u originalu ili ovjerenoj kopiji dokumentaciju iz člana 45. stav (2) tačke a) do d) Zakona o javnim nabavkama BiH tražene tačkom 12.1. Tenderske dokumentacije i dokumentaciju iz člana 46. Zakona o javnim nabavkama tražene tačkom 13.1.3. a) Tenderske dokumentacije, što je isti propustio učiniti, zbog čega je ugovorni organ postupio u skladu sa članom 72. stav (3) tačka a) Zakona o javnim nabavkama i ugovor dodijelio drugorangiranom ponuđaču, kako je i navedeno u članu 1. ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalitelj je obavezan dostaviti original dokaz o plaćenju naknadi za pokretanje žalbenog postupka, ovjeren od strane banke, sa pozivom na broj protokola tenderske dokumentacije na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac, Služba za investicije i razvoj, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Pomoćnik Gradonačelnika

Lejla hodžić, dipl. ing. građ.

Dostaviti:

1. DELI DESIGN STUDIO & CONSULTING D.O.O SARAJEVO
2. TALWEG D.O.O. TUZLA
3. Arhivi